

# QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 27. Ianuarij.

M. FRANCISCO SORAND, Doctore Medico, Præfide.

*An ex Chylo sanguis in Corde generetur?*

I.

**Q**VI hominem intuetur, ipsum ceu mundum nusquam non spectator novus adire debet, quod, cum illius quantum patet natura nondum plenè innotuerit, haud dubie suppetat in dies occasio pervestigandi multa, quæ vel novitate moveant, vel magnitudine debeant ad excutendas causas excitare. Sic qui tot sæculis ignoti latuerant Chyliferi Canales, nostrâ ætate feliciter emerferunt, quos quasi jam alia naturæ ratio, vel iis in lucem erumpentibus modò, cæca ignorantia caligo foret discussa, recentiorum invicem æmuli plures se primùm deprehendisse gestiunt. Licet verò ipsâ inusitata rei conditione, vel obsoleti pridem erroris refricandi desiderio non paucis illi ductus nimio plus arriserint, attamen tanto molimine nihil inauditi in Medicinam irreplisse scias: scilicet quod præter consuetudinem dictum jam antiquissimum est, atque licet novitas, si spem affert, non sit repudianda, vetustas tamen suo loco conservanda est, maximè cum nobiliorum in homine partium stabilis usus adeò permansurus est, ut huic feliciùs ampliando dumtaxat recens ex perveteri causâ lumen accessisse, atque interim inventorum à majoribus nec scientia, nec dispositio nova videatur, sed ut mos fuit, naturâ quæ semper eadem, agat uniusmodi & operetur.

**I**N id plures unius animæ imperio, ex quibus agit, facultates subjectæ. Harum ordine prior naturalis audit. Illa quippe licet ex æquo omnium studiosa, nihilominus tamen ab ipso conceptu creata, ut primùm conformat, sic etiam nutricem promovet coëctricis ope, quæ privata est in singulis partibus, vel publica duplex, alia ventriculi quæ chylum excluso animali, altera hepatis propria, quæ ex ipso sanguinem adornat. Vbi enim assimilēs notas candorem primamque fibrarum ideam ὑμενωδέσσης venter in chylum induxit, ut ex eo κέρσηται καλῶς, is ipse prolapsus infra tum lacteis, tum præsertim fœtis albescentibusque non paucis amico cremore mesaraicis ad hepar convenit, ut quam-mox idem exutâ propriâ forte, alienis verò ejus quod agit dotibus, crassitie nimirum atque rubore suffectis, in sanguinem vel eis ὁμοίαν εἶαντῶν ιδίαν mutetur. Quod ne non fieret, diceres interim chylum adinstar multi in hepate ζυμῶσθαι, adeo ut ejusdem caloris virtute secretis substantiis, inutiles quidem sua quæque conceptacula reperant, utilis autem & nitens alia ex nutritione visceris superstes, susde-que amandetur per cavam, quæ hepatis ἐκχρύνθῃ, non autem cordis è sinu dextro videri debet. Hic enim ἀφάνως pisci deest, cùm tamen perfectò animanti venas naturâ nusquam noverca delinearit.

## I I I.

**Q**UIBUS vasis conferendi hinc & inde deferendi vices à primo ortu concessæ sunt, ea, si magnitudo spectetur, sibi multùm proportionē reddunt, aut sanè si quod minus celebrandum foret, tale quidem quod elaborato priùs humori devehendo navaret operam. Hæc arte quæ materia sanguis futura est, ea tam capaci alveo fluit, qui quantâ sit opus, universæ sufficiat. Sic τελεχαιᾶν ex jactis in hepar numerosis radicibus insigni videas assurgere caudice, quo cavæ amplitudinem æmuletur. Sic, inquam, aortæ majori quæ conscendit altera cava non inferior: Sic carotidum inde jugulariumque bini tubuli, hincque suâ frequentia non impares nervi: Sic tum præparando se-

mini vasa, tum eidem confecto jam deferendo dicati canales in mare atque femina: Sic emulgentes venæ arteriis communi officij ratione junctæ, atque ureteres, cholidochique demum meatus magnitudinis invicem aptâ proportionē sibi respondent. At quantumvis æqua vasorum amplitudo visâ sit, æfferentia quæque humore nusquam non gravida, in locum quò deportant, universim concurrere par est. Iam enim hoc modo in eandem partem optata liquoris totius derivatio succedit, quam jugiter in officinam spirituum eò magis fieri conducit, quò vegetiori calore præstat, ocysque dicto movetur & movet.

## I V.

**N**VNQVID novitatem faciles nimis observant & colunt, qui per canales thoracicos humorem in cor elici mordicis tenent, ut inibi sanguis absolutè generetur? Impares profectò non tantum exiguitate suâ ductus illi sunt, quos apud hominem binos invenisse nondum bene licuit, vel eorum altero interdum oblitterato, vel ambobus, ut ferè fit, in unum nec eapropter majorem à sinistra coeuntibus. Ex venis lacteis quæ per mesenterium disperguntur, quamplures callicreas, nonnullæ quosdam Portæ ramos, hæcque viâ vel per se jecur, cæteras autem famosum receptaculum occupare ex autopsiâ perdisces. At ipsis quæ ex eodem conceptaculo secundum vertebrae progrediuntur sursum, vasis cave ne putes omnem quem habent lacteum succum in subclavias aut axillares, exhincque per cavam in dextrum cordis specum conveyi, quippe quæ perreptando illius quantuluscunque est, non exiguam partem datis hinc & inde paucis, plusculis autem in thymum, quibusdam subtus subclavias incerto tramite furculis, quidni & ex iisdem vel axillaribus per jugulares qua patet ad cerebrum iter, aliò derivent. Hac ratione precor ecquis fugacem chylum locique impatientem miretur, qui in bene passis etiam animantibus vix post quartam horam commoratur, & hæret maximo necdum stabilitæ apud cor sanguinificationis argumento.

**S**COPVM attinges, si cùm otietur natura nusquam, superstitem illius è subclaviis chyli portionem, ubi cavam & cordis sinum subierit, sanguini primum permisceri velis, unde legitimâ post actâ temporis morulâ, minimè per arteriosam & pulmones, aptius verò per septum, per quod jampridem notâ viâ, sanguini non invia, in lavam cordis cavitatem uterque commeet, ut ibidem ascito rursus in societatem operis, aëre puriori ex omnibus adamusim invicemque subactis, vivifici caloris *oxygena* spiritus excudatur, brevi per aortam eliminandus. An non instituto naturæ congruit instillantis chyli levis quidem, attamen viribus analoga portio, quæ tum humidiori, velut aqueus capsulæ liquor, cordisque circumlitus adeps, ab eo ariditatem longius arcere, tum verò frigidiusculâ temperie collectis in fonte copiis calorem augere valet? Imò ut primum perfecta chylosis, in eum finem destinatus à natura chylus videretur, ut servatâ non modò vasorum communione societatem inirent cor & ventriculus, sed etiam acceptis illodum fit in parte nervosâ fibrarum rudimentis, ceu apprehensi pondusculo lapilli apes exortâ procellâ, sic sui crassiusculâ parte quasi sacomate quodam evanidum alioqui suâ indole spiritum libraret. Nec aliunde sanè quàm à fibris omnium facillimè concrevit arteriarum sanguis. Atque quò è crassiori, magis foculento, terrestrique vino quis educitur spiritus, è laudabilior; nec usquam sagacius ingenium quàm melancholicorum, è quorum bile atrâ animalis splendor in cerebro elicitus melior est.

*Ergo ex Chylo sanguis in Cordc non generatur.*

### DOMINI DOCTORES DISPUTAVRI.

M. Iacobus le Menestrel.  
M. Caro'm Brisset.  
M. Nicolaus Bouvarlet.

M. Iacobus Rainssant.  
M. Iacobus Boujonier.  
M. Ioannes Grous.

M. Germaines Preaux.  
M. Franciscus Blondi.  
M. Iacobus Menel, Pharmac.  
macia Professor.

Proponebat Luteriæ GABRIEL DACQVET,  
Lemovicensis, A. R. S. H. M. DC. LXVII.

*il y a toute VIII Du recueil in 8vo des theses  
de la faculte & une autre these par M. le  
n.º 1187 avec une conclusion differente, et une  
cite different qui est tel: an ex chylo atque sanguine  
communitis acri spiritus in corde generatur. affirm.*